

Communicaziun a las medias dals 23 da november 2021

La Sutga Rumantscha di «Allegra»: prender plaz sut l'ensaina da la lingua e cultura rumantscha

Oz preschenta l'organisaziun Albierts da giuventetgna svizzers en il wellnessHostel³⁰⁰⁰ a Laax la Sutga Rumantscha. La sutga è ina staziun interactiva cun autpledaders e tablet per emprender d'enconuscher la quarta lingua naziunala da la Svizra. Cun questa sutga tegnan ils Albierts da giuventetgna svizzers quint da lur credo «emprender sin viadi» ed intermediesschan a moda divertenta aspects dal rumantsch a lur giasts.

«Allegra» e Chalandamarz – per bleras Svizras e blers Svizzers è quai gia tut ch'ellas ed els san da la lingua e cultura rumantscha. Ils Albierts da giuventetgna svizzers vulan far remediura e render accessibla e vesaivla la quarta lingua naziunala a lur giasts e tut quai en ina moda divertenta. Oz mardi, ils 23 da november 2021, preschentan ils Albierts da giuventetgna svizzers en lur wellnessHostel³⁰⁰⁰ a Laax la Sutga Rumantscha a la publicitad.

Sin la Sutga Rumantscha pon ins prender plaz ed emprender d'enconuscher la lingua rumantscha – cumadaivel ed interactiv. Via ils autpledaders integrads ed in tablet survegnan las visitadras interessadas ed ils visitaders interessads infurmaziuns davart l'idiom da la populaziun indigena. Cun quizzes linguistics interactivs ed ina massa fatgs interessants davart la musica e la litteratura rumantscha, ma era cun cuntegns che tematiseschon la cultura, l'istorgia, la culinarica, l'art, l'architettura e persunalitads enconuschentas s'avischinan ils giasts da l'albiert da giuventetgna al mund rumantsch e s'approfundeschon en quel a moda ludica e divertenta. «Far viadis signifitga a medem temp emprender d'enconuscher autras culturas – quai vala cunzunt er a l'intern da l'agen pajais. Ils Albierts da giuventetgna svizzers s'engaschan gia adina per temas sco «emprender sin viadi» e per in turissem duraivel. E tar la duraivladad tutga er il mantegniment da la lingua rumantscha sco bain cultural svizzer», di Janine Bunte, CEO dals Albierts da giuventetgna svizzers, e numna cun quai er il motiv, pertge che l'organisaziun senza intenziun da far profit ha realisà questa sutga ensemen cun Groenlandbasel Architektur und Ausstellungen e la Lia Rumantscha.

Ina segunda sutga è sin viadi

Entant che l'emprima Sutga Rumantscha ha ses plaz fix en la lobi dal wellnessHostel³⁰⁰⁰ a Laax, è ina segunda sutga sa messa sin viadi – suenter l'emprima staziun en l'albiert da giuventetgna a Scuol divertescha la sutga da cultura uss ils giasts da l'albiert da giuventetgna a San Murezzan. Persunas interessadas pon era prender a fit la sutga per occurrenzas ordaifer il hostel.

Il project da la Sutga Rumantscha è vegnì proponì e concepì da Groenlandbasel Architektur und Ausstellungen en il rom da la scenografia per il wellnessHostel³⁰⁰⁰. Ils cuntegns han ins sviluppà e realisà en collavuraziun cun la Lia Rumantscha ed ils Albierts da giuventetgna svizzers. La sutga è vegnida finanziada grazia ad in vast sponsuradi. Il project innovativ e duraivel ha tranter auter era persvas la Quarta Lingua, dapi il 1972 engaschada per la cultura rumantscha e sia derasaziun. Ella ha sustegnì la sutga cun CHF 10'000.- e surdà il schec a chaschun da la preschentaziun a Laax.

Albierts da giuventetgna svizzers

La rait da l'uniun Albierts da giuventetgna svizzers consista da 44 agens manaschis e da 5 manaschis en franchisa cun chastels romantics, chasas da design amez la citad u hostels da wellness: igl ha insatge per mintga gust. L'organisaziun senza intenziun da far profit cun passa 70'000 commembras e commembers dumbra var 750'000 pernottaziuns ad onn. En il focus è il turissem d'alta qualitat, duraivel e favuraivel per giuvenils e famiglias. www.youthhostel.ch

Per ulteriuras infurmaziuns:**Albierts da giuventetgna svizzers**

André Eisele | responsabel per las medias

tel. +41 (0)44 360 14 54

andre.eisele@youthhostel.ch

www.youthhostel.ch